

■ PUNTG DA VISTA

Ils dretgs da la Rumantschia

DERSCHADER FEDERAL

La libertad da lingua, vul dir la libertad da mintgin da far diever da tge lingua ch'el vul, è en Svizra in dretg fundamental. Igl è evident che mintga libertad d'in individi ha cunfins, cunzunt nua ch'ella frunta sin la libertad dals auters. Uschia na pon per exempel betg tut las linguas maternas da scolaras e scolaras esser lingua da scola. Sco quai che la lingua da scola en vischnancas tudestgas, franzosas u talianas è il tudestg, franzos e talian, è la lingua da scola en vischnancas rumantschas il rumantsch. Fin oz è quai l'idiom rumantsch da la regiun, en la quala la vischnanca sa chatta.

Las vischnancas determine-
 Lschan tenor la nova constitu-
 ziuin chantunala (art. 3 al. 3) «en
 cooperaziun cun il chantun», tge
 lingua ch'è lur lingua da scola. Co
 e cun tge meds che quella vegn

instruida sco lingua materna deci-
 da il chantun. Quella cumpetenzza
 ha el sin fundament da la lescha
 chantunala da scola. Consequen-
 tamain n'èn las vischnancas betg
 autonomas en quel regard.

La dumonda da l'introducziun
 Ldal rumantsch grischun (rg)
 en scola vegn discutada aspra-
 main ed uschia era quella, tgi che
 saja cumpetent da decider ella.
 Sch'il rg duai remplazzar baud u
 tard ils idioms sco lingua materna
 d'instrucziun, sa tracti strusch mo
 da la dumonda, co instruir ru-
 mantsch, mabain da quella, tge
 rumantsch che duai vegnir instrui
 sco lingua materna. Tge lingua
 ch'è lingua da scola e lingua ma-
 terna d'instrucziun decidan – sco
 allegà – las vischnancas. Il chan-
 tun ha enconuschentamain refusà
 d'ir pli lunsch a chaschun da la
 revisiun da la constituziun ed è sa
 cuntentà, per resguard da l'auto-
 nomia da vischnanca, cun in
 dretg da cooperaziun. – Tge che



quel munta exact en cas d'opi-
 niuns divergentas, lain nus la-
 schar avert qua. – Uschia na statti
 betg en sia cumpetenzza da deci-
 der davart l'introducziun dal rg
 en scola en il senn menziunà, en
 scadin cas betg encunter la veglia
 da la Rumantschia.

La libertad da lingua garante-
 Lscha a la Rumantschia da de-
 cider senza davart l'acceptaziun e
 l'applicaziun d'ina furma standar-
 disada da sia lingua sco il rg. Che
 votaziuns dal pievel en ina furma
 u l'autra sajan il vair med per-
 senter, è da dubitar. Il chantun
 ha il dretg e nosa constituziun
 federala e quella chantunala
 obligheschan el da prender mesir-
 ras per mantegnair e promover il
 rumantsch. Sco mesira impurtanta
 per il mantegniment dal ru-
 mantsch ha il chantun il dretg da
 promover e d'applitgar il rg,
 uschè lunsch che quel è acceptà
 da Rumantschas e Rumantschs.
 Quai è oz il cas sin plaun dal lin-
 guatg uffizial da l'administraziun
 e da las dretgiras. Per l'introduc-
 ziuin dal rg sco lingua materna en
 scola n'è la Rumantschia – sche
 l'impressiun d'ordifer na trum-
 pescha betg – anc betg pronta.
 Perquai ch'ellas ston e vulan era
 respectar l'urden constituziunal
 cun la libertad da lingua sco pitga

ferma – e dal reminent era per
 motivs psicologics evidents en
 chausa dal linguatg propri da
 mintgina e mintgin zunt sensibla
 – vegnan las instanzas chantu-
 nalas a stuair procurar l'emprim
 per l'acceptanza dal rg en scola da
 Rumantschas e Rumantschs. E
 qua mancan deplorablmain ac-
 ziuins adattadas, necessarias oz per
 mintga idea, project u product.
 Igl è er indispensabel da resguard-
 dar las instituziuns rumantschas,
 sco la Lia rumantscha cun sias
 uniuns afiliadas e las conferenzas
 scolasticas, sco vairas partenarias,
 en cooperaziun cun las qualas il
 process da l'introducziun d'in lin-
 guatg unifitgà en scola – senza
 dubi necessari – po mo vegnir
 manà ad ina buna fin. La Ru-
 mantschia ha il dretg da quai ed
 ella fa cun tutta raschun valair ses
 dretgs cun datschertad. Ch'ella
 sto esser unida e procurar era en il
 futur per instanzas represchentati-
 vas sa ella, e ses novissims projects
 èn empermettents.